

## 's Leb'm is nimma sche

Des Leb'm is so sinnlos,  
des Leb'm is so schee.  
Is Leb'm is so lusti  
und gonz trauri ko's see.

Ois z'somm' passt im Leb'm,  
owa i bi daneb'm.

\*\*\*

's Leb'm is gor nimma prick'lnd,  
is iwahaupt nimma sche.  
Da Himmö hängt voi schworze Woik'n,  
's schaut aus noch Reg'n oda Schnee.

Oa To vogeht wia da ona,  
schmeckt weda noch Zuga no Soiz.  
Oiweu nur Newö und Triabsoi —  
und i bi aus gonz morsch'n Hoiz.

*28.August 2023*